

Dorklärung vu Wörtern, die dr aahne oder annere net kennt:

- (1) = Hinnerlassenschaft vun Seifenbergbau, bei dare dr Abfall vun Zinnwaschn als Halde aufgeschütt ward
- (2) = angehäufte nutzbare Mineralien, die durch de Umlagerung anstehender Lacherstätten durch de Vorwitterung, Ab- un Zuschwemmunge entstandn sei
- (3) = Trichter- oder muldnförmige Vortiefunge, entstanden vun Eisturz vu Hohlraime alter Abbaue an dr Oberfläch

In zweetn Taal vun unnern Hutznobnd ham mir dann e klaans Vidjo aageguckt vu unnerer Fosnd samt in Dornresl un de zwee vun dreizn Feen. Do gabs schiene Bilde ze sah mit schenn Kostiemle un lauter freindliche, lustiche Gesichter! Schie, wenn mr ieber siech salber lachn kaal!

Ganz in Sinn vu unnerer Vorfahrn: Glück Auf - Eier Schmidti!



Ze fahrn gibt's ja erscht emol nicht, aber wer vu eich irngd ewos vun Verein wissen möcht, dar ka ja mol aarufn, oder? ... de 2666 oder de 2141

...vielleicht aa bein Schmidti, Tel. 2395



Erzgebirgischer Heimatverein
Eibenstock e.V.
Otto-Findeisen-Str. 14
08309 Eibenstock

Tel. 037752 / 2666 oder 2141
Internet:
www.heimatverein-eibenstock.de

Bankverbindung:
Erzgebirgssparkasse
IBAN: DE90 8705 4000 3892 2072 58
BIC: WELADED1STB

Unner Blatt`l



Nummer
181

Mitteilungsblatt des
Erzgebirgischen Heimatvereines
Eibenstock e.V.

April
2020



*Unner Waltkulturerb` Eimstock
„In der Grün“*

Weihnachtn grieg – de Ustern weiß

Wie lang habm mir of Schnee gewart,
des is ball nimmer wahr
do saats se, is gäng ball lus
viel Schnee käm noch dies Gahr.

Un itze scheint sugar de Sonn
wos is dä do nār lus?
Is dä de ganze Walt vorrutscht
su fregt siech klaa un gruß.

Un guckt mor mol zen Himmel nauf
des ka mor fast net glabn
do ubn, do siehts wie Regn nār aus
wu blebdt dar weiße Traam?

Do hatts e griene Weihnacht gabn
ja, ja su soch des aus
vorbei wars mit enn Flockntraam
de Sonn scheint nei ins Haus.

Dann war des schiene Fast vorbei
uns FrieHgahr kam sacht ra,
do kimmt vun Himml Schnee drubn rei
mir schaufln feste Baah!



Gedicht: Dagmar Meyer

Frühlingbotschaft: Hans Weiß

Wir gratulieren unseren Heimatfreunden

Matthias Schürer	am 01.04.	zum 63. Geburtstag
Lothar Jung	am 19.04.	zum 66. Geburtstag
Antje Haustein	am 22.04.	zum 57. Geburtstag
Elke Schürer	am 26.04.	zum 60. Geburtstag
Bernd Baumgärtel	am 28.04.	zum 75. Geburtstag



*Ein Augenblick der Geduld
kann vor großem Unheil bewahren,
ein Augenblick der Ungeduld
ein ganzes Leben zerstören*
- Chinesisches Sprichwort -

Liebe Heimatfreunde!

*Auf Grund der gesundheitlichen Vorichtsmaßnahm werden
auch wir in unserem Verein auf Zusammenkünfte
verzichten. Unser „Blattl“ erscheint trotzdem und wird Euch
weiter in gewohnter Weise ansprechen sowie alle weiteren
Vereinsaktivitäten bekannt geben!*

**Setzt eich aufs Kannepee, schnitzt e Mannl,
klippt e Deckl, macht emol en Latscher mit dr
Om, feiert in Ufn ei, guckt eich alte Bilder aa,
hult eweng Birknreisich rei, schmickt in
Usterstrauß, macht e klaans Natzerle, ruft emol
alte Kolleegn aa – tut net rindampfern, aber ~**

BLEBT DORHAM !!!

Blattl-Fotos: M. Schürer, R. Tittel, G. Schmidt,, Internet freie clips, EHV- Archiv

*Unner Ieberraschungsgast gieht uns net vorlorn,
dar wird halt nār eweng vorschubn un mir freie uns
auf unnern nächstn Hutznobnd, subald siech de
Gesundhaatslog gebesseret un wieder beruhicht hat.*

Bleibt allezam gesund bis zen Wiedersaah!



In Wald is ruh un Friedn

Guckt frieh dor erschte Sonnetrahl
zen Kammerfanster rei.
Do ka iech fei nimmer schlofn
is mit dor Ruh vorbei.

Do steig iech aus mein Nastl raus,
zieh aah Paar feste Schuh.
Laaf ieber Fald un Wiesn
grod ne Waldsaam zu.

Setzt eich doch net ins Auto nei
un fahrt de lange Stroß.
Is gibt su schiene Flackle
bei uns glei of dr Nos.

Kommt, wannert doch e Stickl
mit uns ne Kammweg hi.
In Wald is Ruh un Friedn,
do werds eich leicht un schie!

Horst Gläß

Friehlingslied

Dr Frieling macht miech su vorliebt -
lech kaa des net vorhinnern.
lech was, wufier is Schönhaat gibt
un hab se deshalb stets geliebt,
erscht racht nooch lange Wintern.

Dr Frieling trebt aus Baam un Strauch
des frische, grien Labn:
lech muss gestieh, ar trebt miech auch -
un wos in Frieling su dor Brauch,
des is aa mir gegabn.

Drim Freinde, leßt eich vu dar Zeit
net allzesehr bedrickn:
Dr Frieling kam, nu seid bereit
un öffnt eire Harzn weit.
Dar kann un will beglickn.

F.W. Germann
(ins gebirgische vun Schmidt)

Mit Hamstern ham mir nischt ze tu, mir machen do net miet!

Su viel Gahr ging alles gut, eingtlich hatten mir ja
nie ne grusse Nut, jednfalls de Nochkriegskinner
unner uns net.

Ze DDR-Zeitn gobs zwar net immer allis, wos mr
siech gewinscht hat, mannichs gobs aa gelei gar
nie. Aber zen Labn hots immer gereicht. Aa de
Wende ham mir alle meh oder wenicher gut
ieberstandn. 30 Gahr warn mir itze schu ganz
schie vorwehnt mit den iebermassing Aagebut
jeden Tog in de Lädn, vu de Labnsmittl bis zen
Aaziezeich. Ieberol darf mor hie un har rasn, de
ganze Walt stieht en offn - des haaßt, wenn mor is
nutwendsche Klaagald drzu hat. Kaum is unner
Labn durch den vu China riebergeschwabbn Virus
eweng ganz schie durchenanner kumme, gibt's aa schu wieder Leit, die denken, dor
Waltunnergang is ball do. Aber wenn jeder e klaans bissl mitdenkt un net esu nei
de Geschäfte rennt un vor alln des Hamsterkaafn net mitmacht, läßt siech die
Sach bestimmt ball ieberwindn. Denkt nār mol nooch, mit welche paar Sachn mir
frieher auskomme sei, des muss doch heizetog aa noch gieh! Mor braucht doch
net mit en Mol gelei vu alln 20 Pack Makkroni, Reis, Mahl, Gemieseichsn
unsuwetterunsofort. Jeder hat doch aa schu e bissel Zeich im Keller rimhaarstieh.
Un do is ja aa schu mol passiert, des mor des aane oder annere schu längst
vorbraucht ham müßt, weils Datum schu längst graue Vorzeit aazeicht.

Iech ho gehärt, mor sell
Hamsterkäuf machen, nu hob
iech mir su en Hamster
gekaaft, un wos nu?

Also, nār des kaafn, wos mr in
naher Zukunft aa wirklich
gebrauchn tut. Grod aa in dare
weng brenzlichn Zeit, die mir
aafach gemeinsam ieberstieh
wolln. Sugar vorne Klopapier un
Küchnpapiertüchle machen de
Hamster net halt. Frieher hat mr
dodorzu ganz aafach is Zeitungs-
papier genumme un zeracht-
geschnietn. Aber des kenne de
gunge Familien heizetog halt
nimmer. Un suviel Higjenezeich
braucht aa net ze sei, richtig oft

Händwaschn mit Saaf tuts dorwagn erscht emol aa. Zur Zeit muss mr halt des
gemeinsame Traffn un Feiern eidämme, is Imarme un Händschittln waglessn, des
kenne mir allis wieder noochhuln, wenn dar Virus-Spuk vorbei is, un dar gieht
vorbei. Mir wolln allezam ganz gesund bleiben, mir lessn uns gelei gar net wagraffn,
mir bleibn unnerer Haamit trei! Basta!

...aufgeschriebn vun Schmidt

Unner Waltkulturerb` vu Eimstock



Dr Hutznobnd in März wurd mit Neichkeitn vu unnern Waltkulturerb „Bargbaulandschaft Eimstock“ vorsorcht. Die ham mir aus erschter Hand vun Helm, Thomas – unnern Kunstmoleraaster un Projektmänätschor vun Bargbaulehrpfod dorfahrn kenne. Inner sehr anschaulichern Weis hat ar uns zenächst noch emol richtig dorläitert,

des mir e Taal sei vun erscht achzich eigereichtn un numeh nár noch zweezwanzich ieblich gebliebne anorkanntn bargbaulichn Denkmälern un desserhalb kenne mir ordlich stolz do drauf sei !



Unner „In der Grün“, wies richtig haaßn tut, dorstreckt siech e ganzis Stickl hinner unnerer Saunalandschaft un in ehmalichn Krauseloch wetter nunner bis ieber de Rehwiess un in Gerschnbarg naus Richtung Wolfsgrieh. Frier hat mr als Normaleimstocker nár vu dr „Schwarz`n Ping“ gewußt un des do irgnd welche do drinne nooch den Zinn rimhargegrobnd ham sölln.

Aber is gibt abn aa Leit, wie zen Beispiel in Schwarze, Karl-Heinz un nu aa unnern Thomas, die siech dodrmit ganz besonnersch intensiv mit dare Bargbauvorgangehaat befaßt ham un desserwagn itze ieber allis bestns Beschad wissn. Un des is allerhand!



De wichtichstn Detailer hier noch emol zr Dorinnering:

Also mittn in schennstn Wald vorsteckt sei Raithaldn (1) un Wassergräbn direkt naabnenanner ze sah. Dort wurd des Zinn iebertog aus den Zinnsaafn (2) gewunne, des zavor miehselich aus den abgelochertn



Gestaamaterjal rausgehämmert wurn is. Durch de Pinge (3) – un do gabs e schiens paar dorvu – wass mor itze, dess die dozemol aa schu unnertogs gegrobnd ham in Felsgestaa. Des Zinnabbauevier wurd is erschte mol schu 1378 dorwáhn! Des is fei schu ganz schie lang har un zeicht uns in eidrucksvoller Weis de grußflächiche un langanhaltndne Zinnengewinnung in unnerer altn ehrwirdichn Haamit. War siech dodrmit befaßt, kaa in den Gelände Spurn vu Haldn, Eisturztrichern, Arzaufbereitung un Transportwagle finden. Unnere Bargbauvorfahrn vu Eimstock ham im 1620 rim, noochdam in Raum Altnbarg nimmer su viel Zinn gefundn wurn is, ne ganz bedeidnde Roll dozemol gespielt. Dr Thomas kunnt des mit



in ganzn Haufn Biddle, die mr wie immer per Biemer na de Wand geschubn ham, uns aufzeign: Alte Zeichnunge vu frieher un de jetziche Aasichtn vun den Gelände.

Un dann hat ar natierlich vu dr Dorneierung vun Bargbaulehrpfod – unnern ehrgeizign Projekt - dorzählt un is dorbei richtig ins Schwärme kumme! Aafang vun nächstn Gaahr kenne mir bestimmt in erscht Abschnitt dorvu begieh un bestaune, dosei mir heit schu drauf gespannt.

